



Inatsisartuni ilaasortat Malik Berthelsen aamma Kim Kielsen, Siumut
TAMASSA

London Miningip saviminissarsiornermik suliniutaanut aatsitassamut akitsuusiisalermissamut tunngatillugu § 37-mut tunngasutut apeqqut nr. 2012-281-imut akissut

10. december 2012
Sagsnr. 2012-060449
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Inatsisartut suleriaasianni § 37, imm. 1 naapertorlugu suliniutit angisuunut inatsimmut tunngatillugu Naalakkersuisunut ataaniittumik apeqqutilliisimavusi.

Isukasiani London Mining-ip aatsitassanik piaalereernerata kingorna aatsitassamut piarneqartumut akitsuusiisalermissaq Naalakkersuisunit anguniarneqarpa imaluunniit anguneqarsinnaava?

Akissut:

Naagga, Naalakkersuisut Isukasiiata eqqaani London Miningip saviminissarsiornermik suliniutaanut atatillugu aatsitassamut akitsuusiisalermissamik suliaqanngillat.

Piffissami matumani aatsitassamut akitsuutip imaluunniit kaaviiartitanut royaltyp (pisortanut akitsuutip) atuutsinneqalernissaa Naalakkersuisut isumaqarfiginngilaat. Naalakkersuisut siusinnerusukkut aatsitassamut akitsuummumut/kaaviiartitanut royaltymut (pisortanut akitsuummumut) isumaqarnerminnik siusinnerusukkut ilisimatitsissutigisimavaat.

Taamaalilluni Aleqa Hammondimit § 37-mut tunngasutut apeqqut nr. 2012-27-imik akisuteqarnermi imatut ilisimatitsisoqarpoq:

Pisortanut akitsuutit aamma akileraarusersuineq pillugu maanna politikkerineqartoq taamani Naalakkersuisooqatigiit sammisami 2009-mi februaarimi aalajangerneqartup nanginneraa. Tamatumunnga tunngaviuvoq pisortanut akitsuutinik akileeqquisarnerup aallartinginnerani aatsitassarsiornermik suliffissuaqalernissap inerisarnissaa salliullugu kissaatigineqarsimammat.

Tamatumunnga atatillugu erseqqissaatigissallugu pingaaruteqarpoq, piffissami kingusinnerusumi akitsuutinik akiliisitsisarnissamut periarfissat atuutsilermissaa suli sorarunneqanngimmat. Tamanna pisinnaalluarpoq Kalaallit Nunaat nunatut aatsitassarsiorfiusutut pilerinartutut siuariartorsinnaappat. Tamannattaaq Aatsitassat pillugit Periusisiami 2009-mi Siumut-mi akuerineqartumi aamma allassimavoq.

Inussiarnersumik inuulluaqqusillunga

Ove Karl Berthelsen



SIUMUT INATSISARTUNI ILAASORTAATITAT

26. november 2012

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiupparput:

Isukasiani London Mining-ip aatsitassanik piaalereernerata kingorna aatsitassamut piaarneqartumut akitsuusiisalnissaq Naalackersuisunit anguniarneqarpa imaluunniit anguneqarsinnaava?

(Malik Berthelsen aamma Kim Kielsen, Siumut)

Tunngavilersuut:

Aatsitassap piiarneqartup akitsuuserneqartalernissaanik Siumup siunnersuutaa Inatsisartuni oqallisigineqarmat, Inuussutissarsiornermup Naalackersuisup Ove Karl Berthelsen-ip naggasiinermi ilaatigut oqarpoq, Siumup siunnersuutaa imminermini ajunngitsoq, kisiannili taamatut piunasaqarnissaq siusinaarpallaalaartoq aammalu piffissaanngikkallartoq.

Siumumiit naatsorsuutigaarput Sanaartugassanut angisoorsuarnut Inatsisissaq tunngavigalugu London Mining piaanissamut isumaqatigiissusiorfigineqassasoq, Naalackersuisullu oqaatigisareerlugu akitsuusersuinissaq piffissaanngikkallartoq. Taamaattumik takorlooruminaappoq piaanissamut isumaqatigiissummik atsioreernerup kingorna akitsuutinik akiliisoqartalernissaa ilumut anguneqarsinnaanersoq.